

范

宣公文集

绵纸

明覆  
宋本





范忠宣公

文集序



皆後世之師表而學者之慕也則自各有  
可解於心者  
黯之慕爰盜司馬長卿之慕蘭相如

本朝先正名德相繼如泰山喬嶽景星鳳凰事近而  
考嘉言善行皆當取則而區區之愚少而讀

元祐丞相忠宣范公言行錄反復終始正學大節偉識  
宏度贊歎不足於諸鉅公聞尤願執鞭欲追逐其萬一  
而不可得也如奏議國論等書如責人責已助廉成德  
之訓又若避好名之嫌則無為善之路等語皆當終身  
誦之每恨未見其家集也嘉定五年三月甲戌公之從  
元孫中書舍人之柔見過謂鑰曰忠宣文集未行於世

晚而謫居末州三年邦人至今懷仰比因沈史君圻赴郡以家歲本屬之既已刊就而舊無序引徑以見委鑰謹謝之且曰託名不腐豈非晚進之幸豈非平日之願顧年衰學落何足以與此三辭不獲則取而伏讀越兩日而盡得之蓋公天資誠確篤志學問承 文正公之親傳博之以泰山孫明復徂徠石守道盱江李泰伯三先生師友之益發爲詞章根柢六經切於論事無一長語而一出於正文忠蘇公序 文正公集有曰其於仁義禮樂忠信孝弟如飢渴之於飲食欲須臾忘而不可得又曰雖弄翰戲語率然而作必歸於此故天下信其誠爭師尊之公真是似者哉而鑰之所尊敬者此又其餘事自其立朝出鎮廟謨相業具載史冊不待贅言惟

公本於忠恕得二者之功用深入吾夫子闡域非淺丈夫所能窺者溫恭惟謹無異稠人遇有當爲勇決過於賁育此其大過人者然亦尚可勉也心平而寬慮周而遠喜怒哀樂所發而必中克伐怨欲不止於不行包含太虛無所適莫姑以其見於外者一二言之鄧綰嘗奏罷公襄州及言者攻綰則極力爭之謂已經先朝責降不應再有所貶公亦非有意於以德報怨自謂上惜公朝廷事體下以安人情及側蘇黃門誦楊畏彈章而公去相位它日雨中繫舟於江以對於公而語入哲宗面斥黃門從容爲解黃門謂公爲佛地位中人章子厚得罪父年九十議與一便郡公言當置往咎而念其親公本以議新法不合而去及溫公將盡改熙豐之

法公謂特當去其太甚又須徐徐經理差役一事尤不可暴操心類如此公既喪明而責知隨州尋竄未州蓋子厚必欲寘之死地而公素安義命無一語怨之家人猶未平也風雨中覆舟於江以救僅免拭面而語家人曰此亦子厚所爲邪嗚呼使之從夫子於陳蔡當亦有不不容何病之言此非他人所及也蔡新州負罪至重公力救之上忤簾中下違同列賢如劉元城亦以吳處厚爲義存君親詆公不遺餘力公不爲動卒貫其死一時不以爲快及事之變呂汲公劉忠肅等雖終於貶所其得免於已甚者始知公之不寘新州於死之力也汲公輩初竄嶺表郊赦未頒先謂難從恩宥公齋戒九州防等年老疾病何以自存迹其所罪亦因持心失恕好

惡任情以異已爲怨讐以疑似爲訕謗誤國害公覆車可鑒此不惟次寤秦陵正欲感動子厚輩使之革

心而從厚也嗚呼自熙豐元祐以至元符紹聖之間世事屢變翻覆非一徽皇踐祚改元建中靖國流人

悉歸四海望太平於朝莫欽聖憲肅皇后與

徽皇待公而爲政至遣中使遠至湖外好賜牽復迎勞不絕公時在瞽廢風痺中知上果用我亦欲感激自奮而病不可爲矣嗚呼天平儻延以三數年之壽使再得政則必能調一天下可以仰副

建中靖國之意豈復有後日之禍哉公既去矣而蔡呂俱召呂又爲蔡所排而任蔡愈專矣此所以撫卷長懷而繼之以太息流涕也後之君子欲多識前言往行以

蓄其德者於此書可不熟復而力行之以代弦韋之佩乎  
文正四子長監簿以病蚤沒忠宣與二季俱顯  
衣冠蟬聯然自忠宣以來一百二十有四年而後中  
書舍人始紹世科實監簿之元孫范氏之興未艾也四  
月丁丑朔正奉大夫參知政事兼太子賓客四明樓鑰  
謹序

范忠宣公文集目錄

後學時兆文校  
後學黃姬水校正  
後學李鳳翔校正  
十五世孫啓又同校  
十六世孫惟元同校

第一卷

古賦

秋風吹汝水賦

喜雪賦

古詩

北遊寄崔象之

寄謝師直

陳東父示及新文 休心亭

累約舍弟純禮以職事未至

會師宰 久雨

道旁柵 遊漢川石橋

暑雨 寄友人

謁辛化光 留別洛中諸友

同成都尹吳仲庶運判韓持正會飲

寄趙大觀度支 秋意

題楊希元朝議南軒

和子駿 王安之朝議蛙樂軒

和君實病中子駿招不往

君實南園飲罷留宿二首

次韻景仁寄君實決樂議之作

歷陽彭衛字明微棄官養母築堂名曰壽燕取

壽老燕安之義得古人養志之道作詩以紀

實

自警 自砭

次韻曼叔見寄 同王弱翁宿廣化寺

龍門行

梁貺之惠酒分餉張伯常朝

和君實同年會作

和王微之同赴韓持國燕集

第二卷

律詩

早行

游嵩山與王弱翁聯句

賈文元生日

清輝閣

寒食日泛舟

贈師宰

送別

和韓侍中上巳日會興慶池二首

觀終南採玉

和江東運使韓子文見寄

和韓子文題王摩詰畫寒林

和毛維瞻郎中見寄

晚菊

和謝師厚見寄

和徐億郎中喜雪

謝師厚寄同黃婿魯直唱和

和閻灝中秋賞月四首

和聖美翟家原道中之作

騎射

病起聞走馬宴同僚走筆戲呈席上

仲春寄二弟

酬羅道濟黃任道見寄

僉判李太博靜勝軒二首

和君實微雨書懷韻

寄伯康君實

寄伯康君實

酬安之罷赴真率會

和安之謝伯康君實見訪

和文潞公席上

和安之喜雨

和范景仁蜀中寄牡丹圖

同張伯常會君實南園

子駿君實約遊園遇雨而止

子華相公同遊趙令公園

和王端太中牡丹 和王太中遊洛述懷

和君實陪潞公子華景仁宴集各一首

寄君實

寄王不疑朝議

喜雪

和張坊州

和微之湖亭席上見贈

酬慶州五弟

寄二弟

日育

謫居零陵

無書

覆舟

零陵重陽

零陵移居

零陵憶弟妹

零陵寄三弟五弟二首

送貫之兄被召為御史三首

孔寧極先生拜官二首

龍門山二首

獨遊石巖寄諸友

寄香巖海僊上人

陳和叔遊龍門先歸

和王弱翁白沙道中

龍門馬上望雪

臨汝溫泉

與王弱翁遊龍門

許真君天誥

讀逸民傳寄孔寧極先生

和曼叔閑書

又和早行

循吏

酷吏

聞鍛

和象之石磬



送賈春卿宰尉氏 赴鄭郎中宴集

第三卷

律詩

寄辛化光

和吳君平遊蔣山兼呈王安國二首

和呂獻可江口見贈

和呂獻可牡丹 寄堯夫二首

和獻可龍峯寺見寄三首

和獻可丙午二月六日別臺中僚友

荆甘

交墨

寄曼叔

寄端老

和張統貫之同年

和韓侍中游興慶池席上

和韓侍中垂蘿洞

和韓侍中上巳晚遊九曲池

和韓侍中春陰馬上

次韻韓侍中游興慶池

和韓侍中登廣教院閣

和韓侍中同賞牡丹

和孫曼叔北禪牡丹一帶三花

和韓侍中西禪牡丹

和韓侍中初夏游興慶池

與張靖學士遊華清宮雍帥錢子飛端明以詩

見寄次韻和

和吳仲庶龍圖西園海棠

贈眉陽致政程濬少卿

和吳仲庶遊碑樓大慈二寺

和吳仲庶上巳遊學射山

和吳仲庶晚春遊海雲

又和暮春蠶市

寄臨邛致政常郎中

寄持正都官按部嘉眉

以眉州綠荔枝寄吳仲庶有詩次韻

和仲庶江瀆避暑

將出蜀次仲庶送行詩韻叙別

寄李審言龍圖

酬張杲卿相公見招

和閻五秀才折海棠見贈

宿州元太守北樓席上

和吳伯脩洞霄宮

和滕中書見寄

和李敷察推即席感舊二首

送宋太卿歸淝上

和孔宗翰郎中見寄

和傅欽之見寄

和余周郎中見寄

章伯望郊居

和張棧侍郎見寄

金陵懷古二首

和元子發學士見寄

和王著作見寄

和李敷重九席上遣興

和謝師厚見寄

中秋賞月

和耿憲見贈

和徐侍郎栢枝甘露

和曹職方至日

和耿憲秘校喜雨

題李子高虞部園四首

和曹演甫中秋見懷

和閻灝屯田五十歲元日感懷

和吳仲舉通判見贈

塞下追憶烏江之會寄李誠之待制

和閻灝重陽見贈二首

和曹演甫秋日見寄

王聖美太丞奉使西來喜而有贈

和聖美觀騎士翫坡

和聖美壁間題

和聖美三岔鋪留題

蕃舞

觀疆人翫坡

和聖美華池感事

寄陳述古賓客萬璉郎中二首

第四卷

律詩

和王定國見寄

和張伯常見寄

春日寄許州韓持國

和李康侯屯田見寄韻二首

靈中池上

和管滂著作見寄韻

又和席上見贈韻

和任夔節推見寄

和王樂道西湖席上

和王定國見寄

病起和李康侯屯田見寄

和郭昌朝寺丞見寄二首

和王微之同持國泛舟登樓

和鄭通議青州范公泉

張揆侍郎讀書堂 和劉孝叔吏部見寄

和北都王宣徽贈覺海大師

和黃康侯推官二首

以府會阻赴王安之招集次安之韻二首

和文太師真率會上文潞公同甲會

送司馬伯康君實歸夏縣

潞國公生日 安之家庭甘結實三首

子駿作真率會招安之不至二首

八月十六日張伯常見訪賞月四首

和子駿洛中書事

和君實姚黃玉玲瓏二品牡丹二首

元日分壺酒贈楊舜俞大卿

寄和浮光曹九章大夫

妙覺晚吟呈席上諸公

送伯常歸郢中

和韓子華相公同遊王君貺園二首

和君實雨中即事二首

君實邀遊南園雨止

子華相公應天院行香歸洛川

和君實南園獨酌三首

酬韓持國 牡丹二首

上巳泛舟酬子華相公

和文潞公歸洛賞花

文潞公謝事歸洛二首

和子華陪文潞公宴東田

效宮詞體上文太師十絕二首

和子華游韓王園懷故園池蓮紅薇二首

再赴蒲津陪解梁張守安邑王宰游靜林

贈張大夫 寄上文潞公

寄上子華相公 寄鮮于子駿西臺

和薛中散踏青詞 寄和子華相公賞梅王園

題河中府名閹堂 寄題張運使先隴永慕亭

入河中府 謝張解州作名閹堂記

秋日席上 遊寡阜廟二首

和韓持國見贈兼簡王微之

和持國

偶成

西湖四時四首

和微之以足疾不赴西湖賞雪

第五卷

律詩 挽詩附後

和持國贈微之

贈持國持國以瑞鷓鴣歌之

和持國瑞鷓鴣 謝微之見贈

和持國光祿堂賞梅兼寄彛叟德孺

奉寄西京王汝相公

和持國聽琵琶二首

和持國謝見招游湖二首

和 李微之正議

過洛謁文潞公游東田

送滕達道龍圖交代歸闕

秋晴思西湖寄韓少師

寄西京留守韓玉汝

九日遊西山開化歸會柳溪示程憲

酬王定國 酬程定塞提刑

讀老杜憶弟詩寄二弟

寄二弟 迎潞公再謝重事歸洛

送潞公遊河陽河清

洛花已開報潞公 贈蘄單與潞公二首

病中寄太原韓玉汝

次韻持國謝送酒 龍門秋日上潞公二首

三弟得告來完省 喜弟妹相聚

題潞公翰墨卷後

昔帥環慶為部將所訟馮君學士被制鞠獄而

獲平反今相遇於洛

酬持國携具見訪之作

和劉公舒相訪二首

到漢東和張伯常六首

神宗皇帝挽詩四首

慈聖光獻皇后挽詞二首

富相公挽詞五首 安州張大卿挽詞三首

張益孺學士挽詞二首

謝師厚挽詞三首 王安之朝議挽詞三首

程明道挽詞三首 司馬溫公挽詞三首

毋清臣中散挽詞三首

盧通議挽詞三首 孫曼叔尚書挽詞三首

龍圖張公挽詞三首

鮮于諫議挽詞三首

申國太師呂公晦叔挽詞三首

蜀郡范公景仁挽詞三首

李師中待制挽詞二首

康國韓公子華挽詞二首

李彥深哀詞二首 王樂道觀文挽詞三首

張揆龍圖挽詞三首

第六卷

表

安州通判到任表 信陽軍謝上表

謝換朝散大夫直集賢院表

同天節進功德疏表

又 慰皇帝表

進南郊綰表 河中府謝上表

慶州謝上表

又 辭免天章閣待制表

又 賀立皇太子表

謝給事中表

謝對衣金帶表

謝賜萬年縣君冠被表

又 賀獲鬼章表

又 謝賜御書表

又 進節尚書論語表

穎昌府謝上表

謝賜詔書表

隨州乞致仕表

永州謝表

謝復觀文殿大學士充中太一宮使表

謝賜詔書銀合茶藥表

第七卷

表

謝賜銀絹宣醫表

謝歸穎昌私第表

謝賜衣醫高章章服并批語表

乞致仕表

遺表

奏狀

辭免給事中兼侍講狀

謝牽復右正議大夫提舉崇福宮狀

謝復觀文殿大學士充太一宮使乞免供職狀

劄子

辭免吏部尚書第一劄子

第二劄子

辭免樞密第一劄子

第二劄子

第三劄子

辭免災賜劄子

求退劄子

辭免右相第一劄子第二劄子

辭免大行太皇太后遺賜



第二劄子

乞賑一小部或閑局差遣

第二劄子

乞罷相劄子

乞宮觀劄子

第二劄子

乞國醫高章服色劄子

第八卷

啓狀

賀光州石郎中得替

谷門生改官啓

謝王長官啓

第三劄子

第二劄子

小貼子

第三劄子

謝潘著作啓

回蔡州胡完夫史君啓

回時狀元啓

到京東監司赴西臺啓

到河中謝雍帥劉龍圖

謝延帥太尉

回同州知府朝請

回新鳳翔知府范學士

回大寧知監張奉議

啓

到慶州謝兩府

右僕射

門下侍郎

樞密

回王郎中

謝提舉茶塲陸奉議

謝陝州知府大夫

左僕射

右丞太中

中書侍郎

副樞

賀左僕射蔡相公 賀右僕射中書韓相公

賀樞密章通議 賀門下司馬侍郎

呂左丞光祿 回田摠管黃走馬張機宜

謝提舉茶場陸奉議 回步軍苗太尉

賀秦州范龍圖 賀知河中府王待制

賀秦州吳待制赴闕

太原到任謝宰相執政

回知鄭州陳龍圖 回延帥趙端明

西京韓相公賀冬 賀中書僕射劉相公

賀蘇右丞 簽書樞密王密學

回二部李侍郎 賀趙內翰

賀知定州許資政 回文太師

謝同知樞密院 又

第九卷

經解

進尚書解

第十卷

記

安州白兆山寺經藏記

薛氏樂安莊園亭記

王尊道先生講堂記

序

司馬公詩序 完美集序

銘

布衾銘

鼎

青詞

祈雨

刑獄

禳謝

又

又

請死

疏

同天節功德疏

私忌疏文

慈聖周祥道場疏

奉旨請河瀆西海祈福消災道場疏

神宗皇帝升遐功德疏

又

第十一卷

祭文

祭謝秘丞文

與慶州官吏祭韓魏文

祭廟文

祭廟文

祭呂虞部文

送太白湫水祭文

祭監押劉供奉文

祭韓魏公文

修文正祠堂祭文

祭終南太白湫文

祭廟文

祭蔡資政文

信陽軍修鼓角門祭文

坤成節開啓文

坤成節疏文

祭張復禮提刑文

祭韓國富公文

祭河中宋司錄文

祭謝大夫文

祈雪祭文

祭程宗丞文

祭母中散文

祭李運使太夫人文

祭閻朝議文

祭司馬溫公文

祭太中大夫司馬公文

祭周朝散文

祭王中散文

祭正議大夫張昌言文

祭康國韓公文

祭廣濟使君蔡承議文

祭申國司空呂公文

祭陳龍圖文

拜掃祭文

祭十九兄監簿文

祭鮮于

駿文

第十二卷

祭文

祭郭宣徽文

祭曹沂王文

祭蔡仲遠侍郎文

祭滕達道龍圖文

祭楚正叔待制文

祭司馬公休文

祭范蜀公文

祭傅侍郎文

祭張宣徽文

祭趙端明文

祭衡嶽文

告家廟文

祭王職方文

墓誌

秘書丞許君墓誌

觀察支使劉君墓銘

比部杜君夫人崔氏墓誌

許駕部墓誌銘  
李水部墓誌銘

第十三卷

墓誌

范府君墓誌銘  
蔡贊善墓誌銘

朝請大夫宋君墓誌銘

朝散大夫謝公墓誌銘

侍衛親軍馬軍都虞部林侯墓誌銘

第十四卷

墓誌

朝議大夫王公墓銘

承議郎充秘閣校理張君墓誌銘

朝請大夫陳君墓誌  
楊承事墓誌

朝議大夫閻君墓誌  
中散大夫王公墓誌

第十五卷

墓誌

司空康國韓公墓誌

朝奉大夫知華州蘇君墓誌

尹判官墓誌

墓表

內殿承制閣門祗候衛君墓表

第十六卷

墓表

范大夫墓表

神道碑

軒太子太保宣簡田公神道碑

第十七卷 夫墓表

行狀

第十卷 富鄭公行狀

太中大夫充集英殿脩撰張公行狀

第十八卷

忠宣公國史本傳

范忠宣公行狀 一篇墓誌

第十九卷

范忠宣公行狀 二

第二十卷

范忠宣公行狀 三

范忠宣公集目錄終

范忠宣公文集卷第一

後學時兆文校正

後學黃姬水校正

後學李鳳翔校正

十五世孫啓又同校

十六世孫惟元同校

古賦二首

秋風吹汝水賦

時作襄城宰汝州太守席上賦

歲作噩之窮秋兮策羸驂而獨征嗟旅懷之羈憤兮感時律之崢嶸遵汝流之縈紆兮背嵩峯之翠橫號霜風之僚慄兮肅天地而淒清獵葭葦于晚岸兮雜紅翠之

搖旌脫林實於沙際兮浮瑣碎之秀瑩激回流之平迥  
兮蹙綃文之細輕涵夕照之演漾兮蕩澄潭之空明促  
東逝之滔滔兮方感槩於余行縻王事以去留兮蹟未  
安而遽更佩主人之眷勤兮服友生之意誠何會合之  
難久兮特離憂之易并儻丘園之可服兮將就濯其塵  
纓臻聖賢以相期兮惟道義之是營苟沒身以無愧兮  
亦奚事於成名

喜雪賦

余謫守於山城兮唯土瘠而民窮加農事之莽鹵兮仰  
雨暘之適中昧豐凶之迭有兮蓋天道猶張弓雖唐商  
之盛兮亦難恃乎全功賴睿明之在上兮常十雨而五  
風偶愆陽之微疹兮候甫涉乎季冬既四聰之旁達兮

復親覽乎奏封詔禱祠於羣望兮戒守牧以稠重邁成  
湯之憂民兮軫淵衷而有忭宜小臣之承命兮增惕懼  
而虔恭豈人子之失職兮煩慈父而尸饗走名山以展  
祀兮忘崖巖而谷穹致帝命之丁寧兮爰震起乎蟄龍  
矧聖人之先天兮固天心之所同降嘉雪於八紘兮與  
和氣而並充唯駿德之昭格兮方有變乎時雍寧止瑞  
于一朝兮穫麥黍之芄芄民既富而後教兮將神化之  
日隆當刑清而訟息兮士得委蛇而自公嗟一人之餘  
慶兮賚億兆以何豐

賀車古詩

高靈似却北遊寄崔象之  
塵埃都門路羸馬復北首徘徊孤客心賦此行役久秋



雲結層陰風葉下高柳解鞍止孤館斜雨入戶牖愁懷  
寫長川時運付杯酒回念宇宙間無一真我有功名聖  
賢事世味俗自厚行心弗愧天安俟傳不朽偶爲細故  
牽還成浪犇走矧庇吾族繁折腰仰五斗營營百年內  
此累難遽否田廬儻其完尚可歸老醜人事固莫定此  
志誠不苟誦言成短章聊以告吾友

寄謝師直

去夏謁君時踏雨激川路癯然泣相吊心苦別亦遽窮  
愁但急急崢嶸歲還暮羈旅念友朋天寒感霜露孤懷  
雜離憂紛亂疇可訴計我之官期迨君祥琴御邑館臨  
通途車馬當迎還言笑失所願此喜良可預欲致情抱  
勤音書豈能叙

陳東父示及新文

世德鍾良士爽氣橫清秋公才輔經術文價伏時流近  
從計廷召暫爲梁苑遊京都利名地趨謁先公侯高情  
遠俗尚壯麗資冥揆清尊破旅顏黃菊迎歸舟佳藻盈  
大軸遺我蠲窮愁正聲和羣心明珠炫雙眸詞高不可  
繼惠重終可酬愧君樂善懷行義愚當修

休心亭

吾友明知士結廬汝水邊名亭號休心休心師昔賢將  
期一寸誠悠久如青天我聞人最靈至性初純全吉凶  
以情變善惡緣習遷湍水決其防放蕩無由還所以古  
聖師三絕窮韋編曾子善守約孟軻養浩然皆能保誠  
明千載光華傳夫君真其徒墳史尤精研恬然安粹靈

外慮何由牽進退固有道用舍豈必專丘疾不俟禱顏  
樂無窮年寧同避俗者身迹空拘攣

累約舍弟純禮以職事未至

落葉猶同飛寒鳥猶並枝我汝獨何負不得長相隨偶  
為細累拘跬步成天涯後日更遠適會合信難期尚願  
家國寧且作千日離悠悠百年間幾別顏即衰從宦非  
我志功名徒自欺誰言甘寸祿坐使手足違逐末背本  
心得一萬已遺我汝粗有識此事良同悲安得長洲田  
清水稻百畦將汝入故廬親戚坐成圍幼弟就文史長  
兄近砭鑿孝謹奉諸宗祭祀潔四時北外逐風月對酌  
白酒卮畢世為善人不負生育慈斯志儻未遂終為路  
人嗤

會師宰

憶昨相逢際風喧洛城春芳菲供愁眼衣袂偕京塵艱  
難各之適會合寧逡巡君歸來何時我約赴無因

嘗許  
往謁

厚師自此還相望渴臆生埃塵晚歲留故丘山村寂無隣

落日送樵牧蒼煙起荆榛季弟自城至開顏慰天倫遽  
言長者車相過止來晨茲遇出意表俟迎屢冠巾寒途  
馬歷歷幽扉犬狺狺野夫競走報似能喜佳賓空堂揖  
顏色和氣相氤氳開尊共燈燭笑語何諄諄朝遊禹門  
寺暮歷清伊濱危龕儼金像遠波舒翠鱗石樓最清絕  
就宿同榻茵灘聲夜逾急天然謝韶鈞閑淡盡物理至  
樂還天真人生足羈束此會尤難頻所期道義心白首  
長相親

久雨

季夏德陽盛炎赫恢洪鑪俄然積陰來直掩造化樞蒸  
雲滿乾坤澍雨傾江湖晝夜不停灑動植寧得蘇深虞  
墊地軸遂恐沉日車火官弛權綱朱鳥憂沾濡薰風阜  
民物反逢怒飈驅川盈浩無津龍卧埋深淤晦霧擁城  
門驚瀾起康衢雖經禹力勤尚畏赤子魚叢蘭委泥滓  
祥木掩蒿蕪罅漏生廣厦浸淫矧吾廬蒞蘚上明鏡蠹  
腐盈縑書牆茨漸衣繡網蟲競纓珠螺蚓恣緣繞蛙黽  
爭謹呼幽人志自苦陰處情難舒憂頽詎安席避溺思  
乘桴安得赤帝悟却使政令敷盡屏沴侵昏大明升震  
隅六合仰清光九州免淪胥四序各有主一物長歡娛

道旁柵

鱗鱗田邊柵意欲全嘉禾不念大道隳輪蹄苦難過還  
來踐旁畝害稼良愈多願以樹柵心治道夷險坡行子  
得坦途羈旅遠詆訶芄芄滿隴翠誰冒蹊田科

游漢川石橋

英山富泉石翠巖映清漣近可杖屨及寂無市井喧  
辰惜虛過幽尋忍空還幸接鴻鴈序愧在驂騮前

嵐靄徧野皆蘭荃洗耳慕穎曲散髮非伊川芳意動

宿楚暖脉通流泉遙源發何所積流浩成淵斷岸矗蒼  
壁澄瀛印晴天人稀石有徇村遠魚無筌初開臘甕酒  
乍減春衣綿風光入雩詠暄和臨禁煙柔莎當茵席輕  
漪泛觥船天日正清潤水雲共澄鮮靈苗恣采擷古跡  
皆窮研高會屏紛雜野具無葷羶繁英落如糝幽禽語

如絃嫩香小杏肥深碧新荷圓游儵忽上下戲蝶時翩  
翾芳樹蔭坐釣平石醒醉眠共得真隱趣勿爲豪華傳  
滿目是圖畫在處皆潺湲春風拂歸袂暮景生吟鞭恨  
不見山月月曉山南邊

暑雨

暑候積隆曠驕陽變重陰朱靈弛綱權蒸鬱資霖淫驚  
聲遞洶洶密脚羅森森階除垂玉雷朝暮無停音修虹  
掛明帶奔雲什危岑雷電收震耀曦光久潛沈老火不  
復炎妻颺迷柔金大道瀉溪壑窮巷多汗涔朝泥漉羸  
屐夜氣凌踈衾腐耳帖朱檻美實墮青林蛙鼃生意氣  
螻蚓相謳吟佳穀失耘耨坐忍萊莠侵白屋生罅漏工  
女停機絳庭圃亦蕪蔓誰能辨藁苳長夏方長養漸漬  
所不禁伊予抱最靈咨戚何由悟安得排九閭感激露  
至忱訴帝求陽明咄嗟破凝滯薰風阜萬物復將歌舜  
琴天高不可達耿耿徒此心

寄友人

時君養多士本欲康生民服章與奉祿豈但榮其身士  
昔志於學寧曰利欲親得位以行道修已將安人夫君  
青雲姿文行尤彬彬明主親選士往作諸侯賓茲意雅  
所尚有懷並松筠當令千載間炯炯尊儒紳

謁辛化光

濃陰結秋意踈林嘯風聲時節感壯懷挈酒慰友生交  
生冰玉士節行映古清十五簪儒冠四十無華纓家貧  
道彌富身困譽益榮殷勤數賓侶足趨顏巷輕高齋面

幽圃修筠擁軒楹班班寒露叢竟吐籬下英食具簡且  
潔盤蔬亦晶明飲適言笑和至樂不亂情郁然蘭芷芬  
薰灼通心誠因嗟朝市間利欲空自兵

留別洛中諸友

少孤多旅遊解驂幸吾里親友皆賢豪相逢有餘喜世  
事如浮雲離合寧暫止酒罷予其東幽蹤逐伊水

同成都尹吳仲庶運判韓持正會飲

宦遊鮮寧居未定即奔走踰年官岷峨較昔已云久所  
喜風物繁聯職多舊友平生道義心相期各白首公餘  
事招尋談笑共尊酒時方積雨歇涼氣生戶牖紅蕖照  
平池蒼煙羃高柳清歡正蕭散離思已紛糾後遇復何  
鄉此樂能再不念初撫遐氓力薄顏亦厚飽歷風波危

僅脫虎狼口何當挂塵冠杖屨醉林藪俯仰適所願榮  
利亦何有世故浩難必逍遙慕莊叟

寄趙大觀度支

上天生賢傑有意康斯民六十不大用徒勞何足云

趙夫子德與往哲鄰嘗冠獬豸冠血面嬰龍鱗身輕  
秋葉危大典虞湮淪予時忝同僚附驥願亦伸自爾均  
出處荏苒十四春不肖罷蜀使迂謬衆所曠君獨憐其  
心撫勞意益親特枉廉按車再宿驂行塵愧無管氏才  
蒙此鮑叔仁蒼皇摻袂去分老江湖濱前年易邊麾揖  
君東都門君方領部使迎遇謂可頻不作旬浹別各走  
西征輪後前數舍間音旨徒相聞到官但引領莫覲綦  
與巾道大果難合稅冕寧逡巡投劾勇自丐就養歸丘

樊君志固為得我懷誰與論命駕適千里茲義古所敦  
有守念繫匏空望南山雲

秋意

日躔回南陸炎氣徹厚地鬱蒸堆火雲飄雨良快意聞  
穴蟪蛄鳴濕翼玄蟬墜潛陰生早涼熇暑不得熾羈懷  
感時節撫事增愁思倦游老將至歸興勞夢寐

題楊希元朝議南軒

卜居俯澗瀍開軒面嵩洛迴占西都勝高據北邙脚千  
門迎紫煙羣峯參碧落神臯勢回抱天闕誰開鑿朝陽  
麗金碧半空橫殿閣灘聲夜潏潏雲氣暮慘錯春花敷  
爛錦夏木成翠幄三川披畫圖八極開絳幕曾無登涉  
勤坐享仁智樂主人富才識大隱營城郭早解郡印還

勇脫官檢縛清心對萬景真趣絕外鑠可笑學神僊妄  
意向寥廓

和子駿

夏木擁高陰微風蕩輕靄開軒延衆賓置榻臨爽塏清  
談析妙理塵臆滌煩痼至樂從中來外物亦何侍頻登  
君子堂道義庶無餒  
庭闈物我王安石之朝議蛙樂軒問豈欲知是與否  
羣響本無異悲歎由感懷蛙鳴得其所人樂與之偕既  
泯物我念寧煩絲竹諧誰能同此適應亦少朋儕

和君實病中子駿招不至

君子固無患雖有亦何病公偶無妄疾居養仁者靜懷  
賢本心服非由譽望盛庶以德義風化此愚蒙性欣陪

杖屨游晨夕不為併暫阻如三秋斯言猶未稱屢訶期  
勿藥敢怠走門徑

君實南園飲罷留宿二首

間從長者車名園宴初闕佳賓薄暮散歸鞍帶明月珠  
玉良有德芝蘭香不絕夜久卧北窓竟夢亦清潔繁花  
錦鬪鮮好鳥歌無闕逍遙涉其間豈獨娛歲月修竹色  
常佳清渠流不絕客散掩幽扉圓蟾正明潔

次韻景仁寄君實決樂議之作

餘生苦多難所向招詆譎前年失二子悲腸劇剜剜悸  
覓念職守憂患何瀰漫叫閤輒自陳聞者為辛酸朝恩  
俯從欲幸忝留司官薄廩霜甑釜尚愧遠祖丹西都多  
巨公賢哲羅衣冠親炙挹高義朝夕陪清歡藁藁倚白

玉蟻蛭對層巒肴羞屢陳列挑梨煩

鑽

通作鑽

翰林壺

冰潔祕殿朱繩端遠識固莫測確論宜不刊立行皆表  
的析理亡髀髓從容及議樂辯論生酒闌相圍衆如堵  
楚戰喘旁觀辭鋒奮銛利學海翻波瀾解帶拒班輸登  
壇劫齊桓焚舟却魏武火牛快田單守義若據險持說  
侔執干當仁不相讓食馬幾及肝聽者如餒人得味皆  
珍餐折衷無聖師簡編闕且殘誰能置輕重愈見制作  
難兩家難未解宜僚徒弄丸辨璞待炎火知松須歲寒  
善教已乃孚大器久始完人雖不我合留俾後世看行  
道匪彊聒賢蘊寧遽殫用舍繫所逢明哲固能安樂天  
復知命願養資廣胖

歷陽彭衛字明微棄官養母築堂名曰壽燕

取壽老燕安之義得古人養志之道作詩以紀實

養親不擇祿昔有仕爲貧唯有席先疇足以供昏晨超然舍祿位一志親耕耘既無王事鹽亦免賈用勤鷄豚畜以時梁稻盈倉困處身但清約甘旨極鮮珍堂上垂素髮含飴弄兒孫綵服不離膝終日常欣欣園中復構室花竹圍四鄰窻戶儼羅列開闔隨寒溫慈顏縱遊適日涉不爲頻雅當壽燕名安康保靈椿門多長者車間可延嘉賓講道資朋友德譽日以新孝誠動金石豈獨化鄉粉顯揚久益大聖世求忠臣

自警

憶昔爲小官位卑職易營朋知喜其勤民口亦見稱中

間忝臺諫已覺言難行然賴識者恕尚謂無歆傾數年忽遭遇用大過其能名虛稱不實任重力難勝具瞻不可欺舉動招譏評士論固不與自知亦甚明祿厚難報答徒滋驕侈萌子孫忘艱難服用饒夸矜清白素風減冗長浮費增親舊多責望厚薄貽怨憎貧賤勝富貴古語信可憑請病蒙罷免方幸憂責輕俄復統一道撫民帥邊兵寇狂適偃蹇民疲未蘇醒勝負繫司命休戚及羣民細務委將佐大事稟朝廷所稟有違從委擇有不精差失雖毫釐致敗或丘陵殞身何足道誤國玷家聲可不常惕懼臨淵履春冰庶幾免危溢書此爲心銘

自砥

人有好勝心當以善勝惡豈宜執人我與彼較疆弱所



得無毫釐所失已山嶽事過徒自悔駟馬追不却况臨  
衰暮年事尤資審度如人行遠道日暮將憇泊遵途益  
須慎勿使趣向錯逆境是吾師苦口多良藥豈止人難  
欺將爲鬼所矇有病在速治姑以自砭灼

次韻曼叔見寄

予生三十愚且蠢樂善自許人難雙前年杞城拜夫子  
似處幽鄙逢明釭交情期與道義久第愧蟻蛭臨崆峒  
兵厨得酒不自飲携挈過我盈尊釭追遊頗縱山水樂  
涼風皓月臨溪缸長歌高嘯助清景徹曙未肯回解艘  
別來節物皆一換秋風慘慄陵踈窻韓庵幽蓮墮紅粉  
崔謝密竹森雲幢過從往往臻靜默兀坐終日如枯椿  
得君新詩成杼軸目未窮紙心先降指摘萬象無不到

發慮百中如甘逢揆情引思勉欲和畎溜豈合追湍瀧  
念君懷道滯山邑誰者肉食居高龐龐高屋也方今明聖締  
構采拔材幹恢鴻厖長松偃蹇卧澗谷梓匠誰與來扶  
扛入登明堂柱九室氣象凜凜尊家邦復使天下貴儒  
術頌聲千載長錚淙

同王弱翁宿廣化寺

能知真樂唯吾曹聲利外物誠無僥深山窮谷苟遂性  
膚體不歇常枯焦况如佳景擅天巧會與仁友相追邀  
龍門伊洛古今勝蒼巖翠壁雙岩堯疏鑿宛見神禹迹  
懷襄旣又熙堯朝千龕萬宇變佛室鐘磬梵唄何喧囂  
唐僧無畏號神雋當時聲勢尤翹翹開山撥壤盡奇秀  
樓殿勢若風中飄高甍垂空插雲翼連閣跨路馳星橋

深沈神物潛擁護顯敞燕雀如矜驕揆奇選勝幸遲日  
禪堂解榻眠清宵灘聲蕭蕭雜羣籟天真不啻聞咸韶  
陵晨携策度翠巘竹溪深處從僧招融融朝暉射巖谷  
雜花爛熳紅欲燒令人即欲置萬累百年盡向遊中消  
乃知神仙有窟室我意已欲陵煙霄

龍門行

皇圖經野臨中天北有大河南陸渾陸渾之下伊之源  
直走闕塞侵山根此山不斷亘坤軸逆爲汝海波濤翻  
忽焉天意有不測齟開峽口流如吞長波萬練卷空過  
貫都會洛風霆奔崖岸相欽竦天闕此號鑿龍爲禹門  
石道盤紆入幽邃杉松隱映皆祇園下窺朝市但塵土  
不與人世同囂喧天章閣老真相嗣詔委北陸嚴國藩

前騶驅弩聊盤桓憑高置酒臨巖軒是月嘉平臘將盡  
春風料峭煙霾昏圭陰表日景漸正玉沙透水波先溫  
杳杳端闈照宸極壯以峻函周輶轅超然宴覽動咨歎  
坐預國論慚冥煩乃知公旦卜洛意根本繫時亡與存  
法宮在今宜有制上憲太微尊至尊乘杓布政朝萬玉  
莫如洛宅當乾坤三陵氣象貫星野慶雲祚百雲來孫  
豈唯設險御諸夏亦以捍患安元元爲於可爲事乃濟  
器大重遷咸有言賤臣幽退冒及此願對上前圖籍論

梁貺之惠酒分餉張伯常朝議

貺之時  
爲提刑

黃衣健卒肩乘壺口傳好語無緘書爲言八使致新釀  
赤泥翠籠來兵厨軫予官冷不乏斟酌補助不足均羸  
餘殷勤拜貺興不淺對月開滕露華滿金波瀉出紫玉

瓶珠光飛入琉璃醖獨酌雖甘少遺味懷友思賢動深  
意走送城西詩酒家珠玉琅琅發清思李白一斗詩百  
篇劉伶一石高七賢吏部興來卧甕邊賀公眼花井底  
眠乃知醉鄉路安穩華胥有國無圻畛願君愷樂游其  
間千秋萬歲歡難泯

和君實同年會作

詩酒相娛誠得策洛社當年有牛白況公同榜三四君  
從宦天涯久相隔一朝把酒對春風餘花紅白猶堪摘  
不鄙賤生年輩晚招延亦預尊前客清歡盡日信忘形  
醉舞狂歌不知拍

和王微之赴韓持國燕集

穎川太守無羈束爲政課卑纔第六里中耆舊六七翁

漸閑勇退皆高躅獨愧衰疲掌民社謾擁熊軒駕丹轂  
身病何由安百姓才薄豈當尸厚祿巧匠居旁只坐觀  
老手其能袖間縮唯有過從相愛心青松不肯更寒燠  
韓公開宴坐高堂帳帟垂紅窓綺綠簾深不散玉爐香  
夜長屢剪銅盤燭從容談笑雜笙歌爛熳肴烝兼海陸  
翩翩舞態學鶯鴻嘹唳龍吟出橫竹與公進退晚相同  
曾共憂勤參大麓酒量從茲減壯年豈復長鯨吞百谷  
興來猶勉奉公歡金尊未醕先頽玉且同萬物樂時康  
况慕諸君知止足

游嵩山與王弱翁聯句

靈境中天秀辟疆雄名古到今位尊朝列嶽純仁勢重

墜千岑靜鎖神僊宅辟疆高盤宇宙心孤棱標日月純

年絕伋倚戈鐔彩棟靈祠邃辟疆層談淨刹深民祈傳

覘語純仁國祀致君忱碑古苔生字辟疆堂虛畫蠹金

山呼曾薦壽純仁神降即為霖事怪塗山石辟疆少室

母形端玉女砧峯巒排翠玉純仁灘瀨漱鳴琴蕙帳人

范忠宣公文集卷第二

律詩

早行

夙駕冒輕寒身勞意自閑鳴鷄起遙墅殘月滿空山水

落灘沙白林稀落葉殷東方上朝旭始免畏途難

游嵩山與王弱翁聯句

靈境中天秀辟疆雄名古到今位尊朝列嶽純仁勢重

墜千岑靜鎖神僊宅辟疆高盤宇宙心孤棱標日月純

年絕伋倚戈鐔彩棟靈祠邃辟疆層談淨刹深民祈傳

覘語純仁國祀致君忱碑古苔生字辟疆堂虛畫蠹金

山呼曾薦壽純仁神降即為霖事怪塗山石辟疆少室

母形端玉女砧峯巒排翠玉純仁灘瀨漱鳴琴蕙帳人

四首

木

誰繼辟疆金泥迹可尋唐經藏寶妙純仁魏殿想鑿音

會善寺魏文帝離宮雲作他方雨辟疆松連別院陰谷泉長浸斗

純仁山有七星泉頂路欲捫參探穴竟潛動辟疆捫蘿力不禁

箕熊分蟻垤純仁伊洛認蹄泮鳥道樵夫去辟疆龍潭

驛使臨衆僊停羽駕純仁頂有八僊壇昔帝儼宸襟山有玄選宗御容

勝先看記辟疆乘危可作箴天門開四極純仁山有東西二天門

樹品冠雙林少林有則天三品槐靈藥看苗劇辟疆香醪挈

榼斟道宮庭不掃純仁學館突無黔山有書院壠麥風搖浪

辟疆溪淙石聳簪雜花春爛熳純仁老木夜蕭森夕照

河光接辟疆晴嵐塔影侵深崖藏積雪純仁虛壑響幽

禽溪月寒澄霽辟疆巖煙暮杳沈寺橋橫蟬竦純仁禪

磬擊瓊琳拂壁題新字辟疆逢僧舉舊吟疲驂何處解

高閣在崎嶇辟疆

賈文元生日時為侍中

寶運興王國真賢降帝庭軋坤深毓粹河嶽共儲靈慶

澤貽謀遠光華變世丁精心該古學夷步涉僊扃虎變

騰彪蔚鵬飛絕窈冥畋占渭濱北夢肖傳巖形姬旦興

周典桓榮授漢經四聰延啓沃百辟仰儀刑金節臨全

魏天聲震北溟仁恩宣雨露威令肅風霆玉壘兼前好

黃樞冠舊廳出封仍袞職開國直龍廷樂育先儒學憂

勤察訟囹談賓延白屋衛劔匣青萍體貌師臣貴功名

史筆青朝廷方倚重民物僊圖寧大厦容棲翼洪鍾謝

清輝閣書圖

使寄東南重提封舊國雄江山舊漢節棟宇墜吳宮隱  
几羣峯近穿梧一徑通竹陰搖檻翠橋影落溪紅響迸  
荷心雨涼生水面風澄清多暇日尊酒喜時同

寒食日泛舟

合友逢佳節携尊泛碧流溪風銷酒力煙樹入春愁羣  
鴨開波練疏雲透月鉤平生懷古意最美五湖游

贈師宰

君來寧素約我至自殊因義重緣應合心親見亦頻十  
年無齟齬一遇有逡巡他日林丘去須爲白首親

送別

小雨郊原淨輕風生早涼歌聲激離思酒力壯悲腸默  
計去程遠預知宵夢長鄉關足清賞一一寄詩

和韓侍中上巳日會興慶池二首

波漲朱闌外山明綺席前畫橈飛彩鷁紅旆照清漣東  
閣隨開府佳賓盡謫僊夕陽歸騎外芳草綠綿綿  
故堤高柳綠穆穆花萼遺基映柳南啼鳥解招遊客醉  
落花時有戲魚銜舟移羅綺添春色山破雲煙出曉嵐  
後會陪公應更樂行看廟勝掃祆櫬

觀終南採冰

凝結自太古蒼崖潛閔深炎蒸當六月皎潔正千尋金  
盤通珠液青蠅避玉礎焦勞方盱吳聊可沃君心

和江東運使韓子文見寄

歲寒君子意窮達見情均多謝江南信偏憐澤畔人明  
珠驚照夜寒谷頓生春白首論交地須看管鮑親

和韓子文題王摩詰畫寒林  
摩詰傳遺跡家藏久自竒  
高人不復見絕藝更誰師  
水石生寒早煙雲結雨遲  
筆端窮造化聊可敵君詩

和毛維瞻郎中見寄

高賢煩出使妙柬蓋從中  
紅旆臨江浦牙樯列岸楓  
頌條蘇舊俗吊古訪遺宮  
令信遺文簡刑平獄戶空  
九重天眷異千里物情通  
識面煙波際論心氣類同  
斷金捐畛域倚玉愧蒿蓬  
別思知何似秋雲日夜東

晚菊

幽叢有佳色不必趁時開  
冷豔霜仍借清香蝶自來  
晚芳情愈重醉賞目先回  
且伴芝蘭秀休嗟暮景頽

和謝師厚見寄

拙宦身何補謀生術不高  
履霜慚踐屐察俗念同袍  
獨鶴寒先警哀猿夜更號  
淒風獵蘭蕙濃露濕蓬蒿  
故國荒三徑南冠歎二毛  
使軺違右蜀賢里隔西豪  
吾友真時傑斯文敵楚騷  
一官曾共守多難適聯遭  
諷詠餐忘味賡酬夜費膏  
倦禽慵擇木涸鮒羨游濠  
交分窮彌篤相思夢亦勞  
未能拋假綬何計理行篙  
老去情難展憂來首獨搔  
書勤空繫鴈河廣詎容舠  
郡僻稀民政科繁屬吏曹  
飯粳吹玉粒嘗蠚孽金螯治性親  
黃卷蠲愁仰白醪任真傾肺腑  
共醉沃醪糟夕惕持新禁年凶減衆  
邀光陰徒汨汨懷抱慎怵怵歸隱輸陶令  
參禪學李翱因君破蒙滯遣興彊含毫

和徐億郎中喜雪

君恩消浸冷

時霈恩後三日

喜雪驗時和山峙崑兼閩江迷汜

與沱圃糝花鬪巧林亞玉相摩立壑平無異蕭蘭惠不

頗野催農務急客醉酒家多裂素思團扇吹毛想太阿

流風疑漢舞黃竹詠周歌煙冷漁村遠裘履獵騎過穀

登期歲稔人樂免天瘡會待晴宵賞寒光混月波

謝師厚寄同黃垆魯直唱和

忽得穰郊信條然病魄醒懷賢心獨在感舊涕偏零南  
斗占神劔西豪聚德星卧龍看復起失馬顧曾經冰玉  
清相照芝蘭遠更馨麤官應念我白首候戎亭

和閻灝中秋賞月四首

中秋氣清肅況復在邊庭月吐孤輪迴天開六幕青輝  
盈疑白晝明極掩常星此夕鄉關思胡茄莫細聽

張筵賞秋月簫鼓沸公庭光泛露逾白輪高天更青遮

藏三讓客牢落庶民星節去人隨老杯行我但聽

萬里邊城月清輝徹北庭沙伴霜霰白圃失蕙蘭青影

亂林篩玉光長隙透星南飛有歸鴈羨爾故先聽

浮雲收絕塞金鑑躍天庭但願冰輪瑩何煩桂影青溪

心如瀉練杯面若涵星曩昔開元曲何人可復聽

和聖美翟家原道中之作

曉煙浮水白晴日透霞紅屈曲嶺頭路蕭條旗脚風主  
恩覃塞外賢業滿曾中始信人聲遠歡迎到處同

騎射

雄兒矜絕藝勇氣厭天驕振臂連驅馬翻身仰射鷗回  
旋驚電雹奔突出塵囂武備并文教均修是我朝



病起聞走馬宴同僚走筆戲呈席上

平日倦仍衰那堪更病羸賓僚聞宴集冠蓋阻追隨歌

筦宜嘉賞觥觴莫苦辭酒深緣意厚但看樂天詩白公詩云

客知主意厚分數隨口加

仲春寄二弟

春鴈來時節飛鳴各有行弟兄俱遠宦秦楚久相望尊  
席唯他士鷲花似故鄉何時遂歸計共醉湓湖旁

酬羅道濟黃任道見寄

明時頻得罪出處愧朝行音問通猶懶賡酬況敢望諸  
公憐舊物遷客慣他鄉懷抱隨新月遙依紫塞旁

簽判李太博靜勝軒二首

開軒納清景為吏似閑居佳客迹頻到主人自虛琴

尊良有助時命固無如喧靜何能必中恬樂有餘

題軒名靜勝靜勝理何深自得歸根趣寧存較物心雜

花隨節候疊嶂牙晴陰終日對圖畫應無塵慮侵

和君實微雨書懷韻

老畏風光速閑知日晷添惜春逢雨急病酒與愁兼採

蕊蜂須濕銜泥燕觜黏水聲淙曲沼花氣遞疎簾墜絮

柔鋪逕高梧翠倚簷清伊照窻碧少室插雲尖老蔓蛇

難蟄殘紅火不炎邀朋擬白社取友盡蒼髯饌具雖真

率賓儀去謹嚴主公紆繡袞詞伯玩書籤君實方修書陶冶

恩唯舊葭莩契偶霑君實尊崇儲峻嶽高潔仰孤蟾社

稷勲無敵軻雄學不厭威聲傳異域名姓到窮閭賓主

均歡愛鄉閭化靜恬應憐孤客志粗守小官廉飢賴監

河粟貧無遺盜縑清朝慚祿薄豐歲喜魚占識暗妨時  
用心愚以古潛狂歌忘皓首醉眼怯青帘東閣容踈放  
西都慰佇瞻醅詩常愧拙負奔固非謙久玷題評未深  
蒙道義漸虛舟不復繫所向可無嫌

寄伯康君實

平生親友分偏向二難深但念相從樂應知別後心西  
窻棊罷弈南圃徑慵尋不奈懷賢意香醪獨滿斟

寄伯康君實

明月照分袂離魂增黯然禪公歸故里詞伯約新年松  
竹荒三徑金蘭憶二賢向風無限意書札豈能宣

酬安之罷赴真率會

席上多佳客非君衆不怡詩詞雖有激誠意在相思朋

舊難踈間年齡合養頤何如兩俱便快出莫推辭

和安之謝伯康君實見訪

眉壽當安逸炎蒸倦往還二難俱命駕三逕始開關清  
論應更僕新詩特解顏冥冥雙鴈序爲叟下雲間

和文潞公席上

夏木清陰合公當雅燕開前軒鳴脆管密席列英才坐  
久風逾快歡多日易頽膺門榮一顧孫閣愧常陪繞客  
燒銀燭垂蓮醕玉杯醉歸應倒載遠勝習家回

和安之喜雨

驕陽逢密雨歲事可遙占灑砌涼堪喜通宵滴未嫌渠  
淙鳴玉佩簷逗水精簾草木神俱王倉箱望已添炎蒸  
俄盡滌秋意忽相兼稍霽循幽圃重尋晚筍尖

和范景仁蜀中寄牡丹圖

牡丹開蜀圃盈尺莫如今妍麗色殊衆栽培功信深矜  
跨傳萬里圖寫費千金難就朱欄賞徒搖遠客心

同張伯常會君實南園

幽圃多清致人賢樂有餘游心同藝苑歸興若田廬畦  
廣容栽藥門扃爲著書築臺占嶽頂鑿沼灑伊渠庵倣  
盧仝屋坊鄰白傅居拂床留倦客種竹蔭游魚弄水衣  
襟濕遵流酒醖徐園翁名草木山鳥戲階除密席延商  
皓高風邁漢疎城西老詩伯獨免醉登車

子駿君實約遊園遇雨而止

不盡陪從樂端居若絆羈雨餘添草色寒更展花期舉  
目紅芳阻搔頭素髮垂清尊難獨酌終日起相思

子華相公同遊趙令公園

相君行樂處繁盛故王家聲遠歌喧閣香濃酒泛花瑰  
材扶廣廈美植列甘柎彊飲頻中聖回頭畏麴車

和王端太中牡丹

盈尺吐紅房春叢占上陽佳名過百品絕豔冠羣芳嫩  
玉舒韶臉鮮霞避曉光楚妃殊衆色洛浦謝濃粧露重  
珠如綴風回麝不香倦游稀愛賞得此浣愁腸

和王太中游洛迷懷

乘春尋洛社不憚路岐長盈畹花如笑傾都客若狂山  
林多寂寞朝市太奔忙不似安車老優游適四方

和君實陪潞公子華景仁宴集各一首

始終全盛美今古莫如公華袞加朱紱安車撤畫熊建

儲宗社計破賊廟堂功身退謀猷壯宜哉帝眷隆  
再擁平陽節麟符守洛宮禮賢多孺子交政得裴公寬  
簡宜民化歡游與俗同行看歸宰席致主詠南風  
莎輶安車穩花簪醉帽紅還鄉慰多士入洛訪諸公覽  
德如威鳳歸鞍若去鴻清規傳後學信道不談空  
種竹盈軒翠栽花滿圃紅著書評百代守節避三公皎  
潔升壇玉孤高漸陸鴻清名若嵩少萬仞亘長空

寄君實

西臺無吏責道義得親依過宿睽談益中懷已恨稀何  
情堪久別無翼不能飛愚直相知少非公誰與歸

寄王不疑朝議

松筠宜歲晚冰雪照人清無限相從樂空添別後情官

期何日滿歸計未能成不起思予念翰君道眼明

喜雪

久暘逢臘雪酌酒動歡誠密勢迷城郭餘霏冒棟楹河  
光平曳練嶽色遠堆壤已報豐年瑞三登賀太平

和張坊州

詞場逢際遇郡政接循良珠玉篇章妙芝蘭氣味長褒  
言如袞繡雅意戒鶉梁老格松千尺清文水一塘賡疇  
停筆久降歎舉幡忙當宁神兼武開邊洮與湟再叨藩  
寄重難報主恩滂憂職思承教何由到訟棠

和微之湖亭席上見贈

曾陪湖上醉持國詩云兩君曠度皆吾黨紅燭一別十  
迎舟盡醉還兩君謂微之與僕也秋風向老相知少  
追歡舊德同花香來席上歌韻徹雲

中美酒盈尊綠新粧映燭紅清時宜共樂白雪和難工  
便合歸休去荒田附郭東

醕慶州五弟

仲氏居青瑣予而各大州報君當盡節省已合回頭繼  
述將何有榮華過即休相期知止足里社早同遊

寄二弟

一日如三歲離懷不可忘宦游難會合衰老易悲傷原  
上鴿飛急天邊鴈序長如何名利役白首遠相望

目盲

肝膽輸將竭因鍾兩目盲小冠希子夏令色耻丘明青  
白何曾變紛華舊不爭幸回觀物志都作反身誠

謫居零陵

過盡瀟湘景冥行固不分烏羊殮可飫白酒飲能醺自  
息登臨興因無出入勤靈妃曾鼓瑟信有尚堪聞

無書

患難人皆卹誰能絕信音寧忘問生死可是盡浮沉信  
子情無矯知予咎自深嚴冬見松栢為有歲寒心

覆舟

始駭舟衝簸顛風振厚坤濤聲如壞屋雨勢若翻盆力  
援煩舟子驚號閔稚孫全家脫魚腹應有未招魂

零陵重陽

衰年逢素節盲卧桂江東應有登高會其如摘埴翁捫  
杯難舉酒嗅菊不知叢白首跼僧室無煩落帽風

零陵移居

不起移居念全因廢兩眸門閭俱莫辨隘陋亦何憂  
鳥離巢遠盲龜待木浮平生安穩少蓋乏措身謀

零陵憶弟妹

感秋懷弟妹憔悴客瀟湘他日常星聚

昔年兄弟姊妹五人嘗聚于許

衰年隔鴈行既盲難引望垂老易悲傷安得騎鴻鵠高

飛向汝傍

零陵寄三弟五弟二首

勿起還鄉念囊空不易居田租收素薄官俸奪無餘顏

困嘗求米丘貧樂飯蔬

顏魯公為刑部尚書乞米於大

而枕之樂亦在其中矣

朱門啓新第懸罄是吾廬

勿起還鄉念人多故與親舊通鄉里意皆仰俸餘緡望

縱諸家息情須一飯伸誰能悠久坐白眼絕朋賓

昔蔡氏女

兄孀居詩下曰費自廣皆里人所知須於安復隨郢間置少生涯俟可倚如蒙命下漸就遷居或可耳

送貫之兄被召為御史三首

御史得言天下事吾兄清直副明揚方當旒展勤開納

肯使江湖勇退藏賢者慮時心欲破仁人致主策須長

朝廷寬大生靈急只在忠臣振紀綱

憶昔先門陟諫垣正人風采動朝端家聲宜有琳琅器

兄職今我獬豸冠臺閣繼登時所貴忠賢得用古來難

浮榮未必吾儒志會把功名竹帛看

艱禍龍鍾百指存共全餘齒賴依仁鵠原方顧飛鳴急

烏府俄聞拔擢新此別宦遊須異地從今教撫更何人

他年莫負鄉關約明月扁舟白酒醇

孔寧極先生拜官二首

聖朝旌德向丘園紫詔頒恩到華門鄉老始知爲善貴  
竟相廉讓教兒孫  
先生操術本真儒進退恬然與道俱寵至不驚高節在  
豈顯虛譽激凡愚

龍門山二首

雲擁樓臺雪擁川親朋行望舉吟鞭煙龕萬疊凌花霰  
坐見金人變玉僊

松筠深處訪潛溪唐相當年卜隱棲必竟主人歸不得  
只教游客駐輪蹄

獨游石巖寄諸友

亂石巉空聳翠稜攀蘿尋勝逐溪聲愛山懷友情無限  
日暮巖邊獨記名

寄香嚴海僊上人

穰鄧相逢已十年想懷風格鎮依然身同幻境融都寂  
心得玄珠照自圓倚錫靜眠松下石煮茶閑試竹間泉  
利名識盡情猶熟終羨吾師絕世緣

陳和叔遊龍門先歸

玉峯環照碧伊寒樓閣參差四望間散騎從游皆故友  
一川清景徹南山笑言迴出塵埃外心意都如物象閑  
夫子宫居慣追賞故饒諸客獨先還

和王弱翁白沙道中

共驅羸馬躡寒蕪景色鮮明近洛都出谷流泉春更綠  
隔林幽鳥暮相呼伊川舊賞疑朝夢少室重看勝畫圖  
從此便窮山水樂相從應不厭崎嶇

龍門馬上望雪

山開曉色千峯玉草映寒光萬點瓊為我春游添景物  
不教桃李獨鮮明

臨汝溫泉

山前陰火煮靈源昔日曾臨萬乘尊歷盡興亡只如此  
不隨時俗變寒溫

與王弱翁游龍門

誰知造化擘巍峩千古伊流向此過四面長松擁香刹  
兩崖蒼石束寒波身閑愈覺良朋貴詩拙翻羞好景多  
宜向諸方縱蕭散明朝望洛下長坡

許真君天誥

至人修練久能成此誥嘗聞降帝庭寶墨森森聳鸞鳳

訓詞一一在生靈既將道行蒙幽顯奚必仙蹤到杳冥  
鶴駕雲輶非我覲祇期操履學真經

讀逸民傳寄孔寧極先生

漢法忠賢有不容遂持名節隱蒿蓬生靈莫見真儒效  
爵祿多醜戰士功燕市終難沽美璞魚羅安得挂飛鴻  
聖朝高士優游甚自有行藏繼祖風

和曼叔閑書

夫子天資過我曹兩兼才德屬人豪不求近譽聲逾遠  
能處卑官道益高豈止一同裁美錦直須萬俗被重袍  
由來康濟吾儒事撫遍瘡痍莫厭勞

又和早行

拂曙征人各向方乍明林野更青蒼雲頭漏日開秋色



馬足翻沙破曉霜時事罕聞心逾靜故人不見恨空長  
憐君素愛還鄉樂行役雖勞肯暫忘

循吏

王化由來起一同盡由守宰致平隆坐移風俗為能政  
勤撫生靈是至忠四境肅清民害去一方和樂主恩通  
吾皇有德真堯舜唯待諸君共理功

酷吏

虐吏天資害物深斯民無耻歎刑淫只憑豺虎貪殘意  
肯順乾坤長養心骨肉盡將成怨府君親何以致薰琴  
終逢族滅令人快智者為謀豈待箴

聞鍛

萬籟蕭然送夕曛鍛聲相應互成文高隨晚吹驚愁耳

清入霜空透暮雲始訝僧魚敲曉石靜如山木響秋斤  
五兵若可為農器此韻千家不厭聞

和象之石磬

誰向西山選翠琳中含太古自然音昔逢虞帝來祥鳳  
今與陶家伴素琴清越乍敲修竹裏堅方真合哲人心  
一鐫名姓將難朽千載知君道德深

送賈春卿宰尉氏

侍中之子

相君勲業冠朝端愛子猶居字俗官道德相傳家有法  
功名善繼古為難清平足使羣情化談笑能令萬室安  
千里遠途今日見願當仁政勿盤桓

赴鄭郎中宴集

卧錦僊郎久卜居滿牀書史日康娛邀朋欲走趨齋閣

不厭塵埃俗客無  
千里數盡今日良  
范忠宣公文集卷第二

范忠宣公文集卷第二

一

今與

向

止

亦

亦

亦

亦

范忠宣公文集卷第三

寄新化兄

疎閑心蹟久相親  
道非尺蠖敢求伸  
尊酒從容皆勝景  
和吳君平游蔣山兼呈王安國二首

和吳君平游蔣山兼呈王安國二首

十年游宦阻朋從  
襄陽高節愛龐公  
聯騎追攀不知暮  
錢塘山色飽相從  
夕陽樓閣半山紅  
終愛巖間坐禪客

能將萬事付虛空

和呂獻可江口見贈

世閱俱承父祖風，又叨官契十年中。棠陰代領諸侯印，棣萼更聯御史驄。先兄貫之已嘗與公同為御史白首相期唯信道，清朝連貶為輸忠。駑駘詎合參騏驥，應合心能報主同。

和呂獻可牡丹

去年仁政與春來，真賞曾蒙醉目回。紅旆已隨芝檢去，滿欄芳意為誰開。

寄堯夫三首

呂誨

江頭五日艤輕舟，欲去遲遲更自留。目斷旌旗暮天闊，龍峯峯上倚層樓。

去年同作南遷客，今日更持刺史權。推挽試知民吏意，

無因談會向尊前。

碧草茸茸照綠波，暮春歸客興如何。滄浪應有清渾處，羞見漁人鼓柁歌。

和獻可龍峯寺見寄三首

驅車日日望行舟，日斷風帆不可留。獨有召公遺愛地，蒼山重疊滿晴樓。

丹心自許疇明主，百謫那能避貴權。此道方今誰復問，望公須向古人前。

忠臣多快姦臣憤，天意人情可奈何。安得臯夔能致主，早聞堯舜復賡歌。

和獻可丙午二月六日別臺中僚友

感時情緒已難禁，况復懷賢恨愈深。鴉噪晚林催遠客，

雲藏夕照弄輕陰松筠自信凌霜操葵藿長傾向日心  
同志飄零山館寂欲沽芳酒與誰斟

荆甘

品珍方重寄來難長憶東吳把酒看笠澤煙閑排錦樹  
洞庭霜老摘金丸清香先透筠籠細甘液俄通玉齒寒  
不學荔枝遺國恨曾煩驛使到長安

兗墨

誰藝長松製作勤輕煤勻膩雜蘭薰中疑玄石無纖翳  
外若靈犀有密紋溪石乍研浮紫翠蜀牋試寫落煙雲  
會將點畫傳青簡千古忠邪爲爾分

寄曼叔

他年嘗苦見君難每一相逢百倍歡正值風煙遙化邑

敢期塵土共麤官夜談往往驚晨鼓樂飲時時解醉鞍  
遊遍洛陽佳勝地須將歸興暫盤桓

和張統貫之同年

同榜同僚是別緣所存相近復相便性情踈懶忘官檢  
襟抱平夷學古賢仁者才謀當濟物吾曹名利久推天  
須知白首相逢日不失初心始自全

和韓侍中遊興慶池席上

出郊尤喜雨初晴洗出川原物象明樓影半藏高柳外  
池光遙與綠萍平鷗馴長近朱闌戲民樂爭隨畫隼行  
主理自忘台鼎貴芳尊盡日許同傾

和韓侍中垂蘿洞

勝游今屬相君家臺榭高開碧水涯森聳綠梧常映日

紫紆寒溜曲穿花藤牽柔蔓垂長帶竹引新萌走蟄蛇  
更不辭我醉弁却愁歸污繡茵車

和韓侍中上巳晚遊九曲池

前朝池閣盡塵埃登覽漸無吊古才舊物祇餘蒼石在  
斷牆曾識翠輿來回環竹徑穿幽鳥寂寞茅簷覆故臺  
游客靜觀興廢迹利名心息若寒灰

和韓侍中春陰馬上

三月芳菲欲暮天可堪零雨晝連綿潤催壠麥將籠節  
寒阻春蠶趁早眠疎柳拂牆難結絮嫩苔鋪砌已成錢  
牡丹只待晴陽照看吐新花一尺圓

次韻韓侍中游興慶池

兩奉清歡到碧塘再游無奈惜春光莎勻古岸添新綠

蝶遶殘花採舊香佳木引陰交翡翠疎林迸筍補篔簹  
從容賞遍西園景化國偏知日月長

和韓侍中登廣教院閣

兩陪千騎叩禪關每聽高吟解客顏吉甫壯猶方北伐  
謝公高興在東山僧軒深閉芳菲靜春晝初長鳥雀閑  
游覽不知歸逕晚火城看逐隼旗還

和韓侍中同賞牡丹

秦地春光似洛陽牡丹平擅百花場巧鍾絕豔羣芳後  
高翦紅雲萬葉彊露滿金盤看國色風回綺席識天香  
酒酣只欲盈簪戴聊伴衰顏照玉觴

和孫曼孫北禪牡丹一帶三花

三花駢蒂吐芳叢曲盡東皇造化功疑是神山仙子會

霞衣鼎立馭輕風

和韓侍中西禪牡丹

秦川花品似伊川  
真賞應同上苑看  
衆卉先收推國豔  
五雲高吐學僊冠  
煙苞添色資吟筆  
露蘂霑香滿酒盤  
勻壓春叢十萬朵  
欲歸猶復遶朱欄

和韓侍中初夏游興慶池

池邊喜逐綵旗行  
初夏亭臺照水明  
筠籜乍開春後綠  
林梢長帶雨來聲  
新荷獵獵香風遠  
深洞沈沈晝景清  
珍相君憂國意  
宴游終亦念農耕

與張靖學士游華清宮擁帥錢子飛端明以  
詩見寄次韻和

金節煌煌枉使輶  
華清勝絕許陪遊  
東來渭水晴光動

西望長安翠靄浮  
休羨

秀句好歸黃閣告嘉猷

憶公何處偏回首  
身在朝元最上頭

和吳仲庶龍圖西園海棠

丹葩翠葉競天濃  
蜂蝶翩翩弄暖風  
濯雨正疑宮錦爛  
媚晴先奪曉霞紅  
芳菲劍外從來勝  
歡賞天涯爲爾同  
却想鄉關足塵土  
只應能見畫圖中

贈眉陽致政程濬少卿

清節高風世所推  
秋毫名宦肯徘徊  
勇拋朝市無窮事  
笑指林泉獨自來  
吟榻未移溪月上  
醉巾長拂野雲回  
塵衣欲作登門客  
几杖何妨許暫陪

和吳仲庶遊碑樓大慈二寺

錦城寒食最繁華  
游騎翩翩雜鈿車  
煙染翠行環郭柳

波搖紅影隔江花長年已覺春如夢遠客唯應醉是家  
回首鄉關行樂地風光正好路岐賒

和吳仲庶上巳遊學射山

天涯春色蜀川多勝賞相從到薜蘿  
遠郭煙蕪深似染隔林山鳥靜能歌  
花邊密擁青絲蓋陌上輕馳白玉珂  
察俗自知無遠術祇於民樂驗時和

和吳仲庶晚春遊海雲

東郊行樂冠西州古寺峩嵒翠嶺頭  
化俗傳豈弟尋山謝傳繼風流  
天涯尊酒欣相遇劍外三春得共遊  
雅興直須窮勝賞年光難使隙駒留

又和暮春蠶市

古祠幽邃錦城隈千騎懽游宴席  
盡日風光隨綵旆

一方民樂在春臺江頭佛寺藏深竹  
郊外人家蔭綠槐已奉更書催別緒  
肯辭清賞屢追陪

寄臨邛致政常郎中

東海拋官勇退時邦人留止任牽衣  
三朝報國丹心盡萬里懷鄉一棹歸  
身向清閑添壽考德因潛隱更光輝  
常思把酒親高議何日單車遂扣扉

寄持正都官按部嘉眉

使者觀風過晚春逢山應暫枉征輪  
雲埋雪嶺鋪銀界日射金僊照碧津  
千里謳謠民足食萬家水竹地無塵  
未能結駟相從去簿領空嗟絆此身

以眉州綠荔枝寄吳仲庶有詩次韻

嘉川荔子著芳名携從歸鞍到錦城  
馳驛幸無唐日貢

甘芹聊致野人情丹砂結顆藏膏露赭穀爲囊穀嫩瓊  
京洛不須圖畫去得公佳句自分明

和仲庶江濱避暑

古祠清燕敞虛堂喬木森森晝景長池面雨來荷助響  
席間風細篆生香烏紗傾側朋簪樂翠縠翩翩舞袖長  
牽俗自嗟行役去阻陪千騎醉瑤觴

將出蜀次仲庶送行詩韻叙別

遠客親仁豈素期況陪文酒復經時自慙拙宦多遷逐  
每歎良朋易別離白首馮唐空已老清秋宋玉不勝悲  
仰公早展經綸志百辟方今待允釐

寄李審言龍圖

英風一別幾經年尊酒相逢意灑然欲報重知慙國士

喜同清議屬真賢武侯方屈南陽卧蕭相曾封漢水邊  
好及新春頒惠化行藏吾道合推天

醜張杲卿相公見招

元君同榜更何人教育偏蒙契義親孔氏繫匏慙滯迹  
遼陽歸鶴羨閑身四朝盛事渾經眼千日濃醪好入唇  
箕穎更無高放客只應梅柳爲公春

和閩五秀才折海棠見贈

蜀國海棠春最妍萬株紅錦憶曾觀鄉人折贈情尤重  
肯與羣花一等看

宿州元太守北樓席上

七月高樓暑氣回荷香細逐水風來翠娥細袖歌聲遠  
綠野蒼山醉眼開羈客秋懷追屈宋主人交義繼陳雷



他年林下相逢去詩酒何妨許重陪  
主人交義繼前雷  
和吳伯修洞霄宮木風來翠嶽

三朝勤瘁不謀身今日官閑與道親  
紆組還鄉宜最樂  
居山得祿未全貧性情有暇窮真理  
門館無權少俗賓  
會待收蹤歸畝就君同醉洞天春

和滕中舍見寄

斲水分携自昔時六年奔走困長歧  
人憐冢世三朝舊  
身在風波一葉危白髮星星驚歲月  
丹心皦皦仗朋知  
林泉早晚歸休去廩祿無厭愧漏卮

和李敷察推即席感舊二首

相逢同榜盛當年復喜君來對此筵  
花下莫辭頻把酒  
月中曾是共登僊左遷還有麤官樂  
晚達何妨秀句傳

得失已看如塞馬苦心勞力亦徒然

一榜登科二十年江城偶得共盤筵  
鄭公雅喜中都職

鄭谷作都官  
有詩自賀梅福曾由邑吏僊李元自成  
都拜幕官白首相期情

契厚素風猶待子孫傳狂歌醉舞形骸外  
吾道從來況坦然

送宋大卿歸淝上

眉壽康寧位九卿人間五福最難并  
丹心報國冰霜潔  
白首還家里社榮化日盡輸高世樂  
野雲應似出門情  
淮淝美事傳千載何止孤風激後生

和孔宗翰郎中見寄

聖人流澤到真賢直節清名奕世傳  
惠政謳謠騰楚甸  
醉吟風月滿江天嗟予濫典劭音農印歸老幾無坐客

一得新詩消百慮黃梁未熟且安眠

和傅欽之見寄

至道潛心信有功目前超悟忽圓通三身不在諸塵外  
萬象全歸一照中念絕去來隨處樂法無取舍自然空  
護持雅屬當仁力枉問麻陽懶鈍翁

和余周郎中見寄

宦游從昔各艱難方寸寧禁百慮千憂患早催顏鬢老  
風波回念骨毛寒詞場久託平生契酒席方陪此日歡  
致主庇民嗟晚矣只堪相約挂塵冠

章伯望郊居

獨愛高居遠市廛簷楹軒豁對江天門前一曲平橋水  
舍側千畦負郭田鷗鳥漸能親几杖兒童應解愛林泉

朝廷方待忠賢急莫厭京塵撲馬韉

和張揆侍郎見寄

戀德懷賢出禁城片心長挂若搖旌留侯老棄人間事  
白傅詩傳海外名瀟灑琴尊資上壽太平風月屬高情  
已知世故無關慮佳句猶煩訓後生

金陵懷古二首

天兵從昔度長橋四海干戈一戰銷江叟豈能知帝力  
醉憑漁艇亢秋潮

六朝文物今何在千里江山自宛然英武南征無殺伐  
至今樵牧尚能傳

和元子發學士見寄

二紀區區困宦游相逢莫訝鬢先秋清時無補身空老

往事難追涕旋流舉世交情憐我少經旬行色爲君留  
何時歸去江湖上風月同尋范蠡舟

和王著作見寄

踈慵齋閣晝常扃忽喜君來病魄醒走訪禪山諸洞穴  
同祈雨褒禪山醉吟詞客舊林亭懷賢亭乃張十年多  
百里一日往返難頭俱白四友相看眼共清別後新詩收滿軸芝蘭雖  
遠有餘馨

和李敷重九席上遣興

謫居閑僻少朋游珍重征帆肯暫收多難共驚霜遶鬢  
重陽還喜菊盈甌樓前雨洗千山翠天際江橫萬里秋  
節物相催人漸老此身何日得歸休

和謝師厚見寄

地僻官廳儔侶稀鄉關回首隔殘暉鬢霜楚霧人空老  
水落紅沙鴈自歸往事尋思都似夢素期乖失謾知非  
東風送雨長西去心逐輕雲日夜飛

中秋賞月

碧落無雲玉鑑飛淨中毫髮了能窺光隨酒蟻斟銀盃  
彩瑩歌人發瓠犀露重已從巾角墊輪傾欲把斗杓携  
醉狂直好探蟾窟安得陵空萬仞梯

和耿憲見贈

仕途名迹本幽遐諫省俄登忝世家恩戴丘山宜盡瘁  
言關社稷敢歌邪獻芹寧識羔羊美抱甕徒爲智士嗟  
君子一言華袞重此身被服愧無涯

和徐郎中栢枝甘露

素液濃甘勝醴飴偏零翠栢瑞明時何如溥作豐年澤  
萬物涵濡被福釐

和曹職方至日

宦遊將老愧蓬飄逢節他鄉倍寂寥世網縈身難自解  
鬢霜凝鑑不重消隨陽鳴鴈聞初急向日丹楓惜半凋  
飽暖全家盡君賜忍看編戶獨無聊

和耿憲秘校喜雨中

愆陽六月氣仍驕多士身勞思亦焦膏澤俄隨恩詔溥  
螟蝗半逐野雲飄歲時敢望家聊給賦歛能供政有條  
鑿井耕田忘帝力何當鼓腹播民謠

題李子高虞部園四首

今時難得是高人里社因君俗愈醇松竹漸成風月好

只應終日聽韶鈞

脩鍊工夫合自然河車潛引玉池泉老君道德人難識  
復見雲孫達二篇

全家歸隱似前賢碧酒醇醲白蟹鮮心欲生民常富壽  
高歌會樂太平年

不教外物翳襟懷明合著龜亦信哉駑蹇自慚無駿骨  
謾勞伯樂品題來

和曹演甫中秋見懷

去年對月憶良朋今夕誰同塞上情華髮蒼顏人易老  
賞心樂事古難并戍樓笛響千山迴沙漠霜寒萬里明  
半夜歸鴻飛不斷好將幽夢到淮城

和閻灝屯田五十歲元日感懷

與子同榜同甲

君緣直道阻橫飛我愧無才振國威同榜同僚忝契分  
使秦使蜀重親依異糧衣帛身空老學易知天志尚違  
白首相期唯信義世情徒是亦徒非

和吳仲舉通判見贈

侍行曾見羽書飛獨鶴歸遼想令威三紀家聲幾泯泯  
重來民俗尚依依脫身負擔誠多幸屏迹山林願正違  
主諾已繫賢者助第承先業愧才非

塞下追憶烏江之會寄李誠之待制

主人忘倦客忘歸長憶江邊惜別時日下青山猶促席  
風衝畫鷁正醺詩盤堆白玉鱸腴美手擘黃金蟹殼肥  
今日相思孤<sub>或</sub>塵沙滿眼鬢垂絲

和閻灝重陽見贈二首

秋懷多感怯清笳判向西風醉帽斜塞上星霜人易老  
幕中談笑客偏嘉金英浮酒稠於蟻丹葉糝林遠似花  
身健幾逢佳節在登臨尤更惜年華

登高宜不負長期須信時光似隙暉碧穗引鑪香滿坐  
黃金遶席菊成圍物華旋逐鳴飈滅客思空隨去鴈飛  
莫訝尊前偏醉倒醉鄉纔到便忘歸

和曹演甫秋日見寄

九日天邊倚戍樓他年江國想陪遊鱸腴滑與蓴絲薦  
菊蘂香隨酒蟻浮別後星霜催老態秋來顏鬢染鄉愁  
懷賢感舊情難盡待向東西丐一州

王聖美太丞奉使西來喜而有贈

賢愚雖間契稠重科籍同兼甲子同省歛劭農明主意

霽威問俗古人風陽和煦物先春到膏澤隨車大旱中  
感舊知恩誰最篤塞垣憔悴一衰翁

和聖美觀騎士翫坡

翩翩飛鞚發雲間壯士旁觀亦汗顏勢若投丸當峻坂  
影如掣電下空山漢兵神速從天落楚騎颯馳取將還  
聖主恩深懷獷俗謾教角逐向安閑

和聖美壁間題

胡懾天威自走藏腐儒焉用合還鄉駑駘戀主心終在  
鼯鼠營身技不長晚歲曾襟成濩落故山林壑謾青蒼  
進趨無術歸無計聊得君詩浣肺腸

和聖美三岔鋪留題

今日天涯同一笑當年澤畔共長吟

公謫上元子謫還歷陽封畛相候

朝未復中臺職報主長存國士心

蕃舞

低昂坐作疾如風羌管夷歌唱和同應為降胡能蹈并  
不妨全活向軍中

觀疆人翫坡

蟻分突騎向高岑馳下危塗萬丈深獷俗輕生唯鬪險  
垂堂寧復戒千金

和聖美華池感事

聖主憂勤百職修忠臣那復作身謀遐方民力資周度  
晚歲人情樂小休郭震能僵烏質脛陳湯解斬郅支頭  
知賢獨恨官踈遠珠璧何時免暗投

寄陳述古賓客萬璉郎中二首

智淺才疎合竄流生逢堯舜忍空休猶慙世舊垂青眼  
 未報君恩已白頭貴老何由操几杖愛賢曾是繼箕裘  
 先文正已與二公相知新春遙祝增眉壽阻向賓筵跪一甌  
 欣欣萬物占芳春對景那知放逐身粗守素風諳左宦  
 擬投白社愧高人漢疎早命東門駕器之致仕已久商老方為  
 少海賓空辱忘年微報稱浪醅佳唱恃心親

范忠宣公文集卷第三

范忠宣公集卷第三  
 商老方為

程